

Euskal Herriko Ahotsak
ahotsak.com

Juana Loroño Beaskoetxea

*Amorebieta-
Etxano, Bizkaia
(1923-2010)*

Aurkibidea



Biografia



1923an jaio zen Boroa auzoko Ametzarribekoa baserrian, eta bertan bizi izan zen 37 urte gaz kaleko etxe batera joan arte. Gurasoak ere Boroakoak zituen; 13 neba-arreba ziren, bera zazpigarrena, zazpigarren alaba. Eskolara gutxi joan zen baserriko beharrak zirela-eta. Gerra sasoian, Larreatik eta Zaldibarretik ibili zen familiarekin. 15 urterekin, Galdakaoko "La dinamita" enpresan hasi zen obusentzako pastillak egiten, zazpigarren hilabetean etxera bueltatu zen. 21 urterekin Astape enpresan hasi zen, baina han ere denbora gutxi iraun zuen. Beti aritu izan da baserriko eta etxeko lanetan. 23 urte gaz Boroa auzoko Basarte baserriko Jesus Estankonarekin ezkondu eta bi seme-alaba izan zituzten.

Zintak

AMO-003

- **Proiektua:** Euskal Herriko Ahotsak
- **Elkarrizketatzailea(k):** Goiria Mendiolea, Nerea
- **Data:** 2010-03-16
- **Iraupena:** 99 min
- **Euskarria:** Bideo digitala
- **Kodifikatzailea:** Goiria Mendiolea, Nerea
- **Transkribatzailea(k):** Goiria Mendiolea, Nerea

Pasarteak

1. Gerran Larreara eta Zaldibarrera

- **Erref:** AMO-003/003
- **Iraupena:** 0:03:36. **Hasi:** 00:05:42. **Bukatu:** 00:09:18
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola
- Politika » Gerra zibila (1936-1939) » Ihes egin beharra

Laburpena:

Eskola aldundiarena zen, eta lapitzak eta eskolako materiala doan ematen

zituzten. Jolas-orduetan, perretxiko bila bidaltzen zituzten. Gerra hasi zenerako, oraindik lau erregelak ikasi gabe zituen. Gerra hasi zenean, ganaduekin Larreara joan ziren, eta handik soldaduek Zaldibarrera eraman zituzten. Zaldibarren, taberna batean bizitzen egon ziren hilabetez, aita Autzaganen ganaduekin zegoen bitartean.

2. Gerra gogorra, baina goserik ez

- **Erref:** AMO-003/006
- **Iraupena:** 0:01:19. **Hasi:** 00:10:31. **Bukatu:** 00:11:50
- **Multimedia:** bideoa online ikusgai

Gaia(k):

- Politika » Gerraostea eta Francoren diktadura » Ekonomia gerraostean

Laburpena:

Gerraostean uzta handia izan zuten, ordura arte, oster, gutxi. Hala ere, ez zuten goserik pasa. Txarrena etxeokak non zeuden ez jakitea zen. Nazionalak Bilbo hartu zutenean, bere ahizpak etxera bueltatu ziren.

3. Etxetik frontea bistan

- **Erref:** AMO-003/007
- **Iraupena:** 0:02:28. **Hasi:** 00:11:50. **Bukatu:** 00:14:18
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Borroka

Laburpena:

Beraien familian inori ez zitzaion ezer pasatu gerran, nahiz eta askotan balak hurbil sentitu. Frontea San Martinen eta "Peña Lemona"n egon zen eta etxetik dena zuten bistan. San Martinetik obus bat bota zieten etxera.

4. Baserriko jeneroa udaletxean entregatu behar

- **Erref:** AMO-003/009
- **Iraupena:** 0:02:05. **Hasi:** 00:14:36. **Bukatu:** 00:16:41
- **Multimedia:** bideoa online ikusgai

Gaia(k):

- Politika » Gerraostea eta Francoren diktadura » Ekonomia gerraostean

Laburpena:

Artoa, garia, patata... entregatu egin behar izaten zuten udaletxean. Bakoitzari 3-4 anega eskatzen zizkieten. Ez zieten begiratzeko familia handia bazen edo ez.

5. Errazionamendua eta ogia

- **Erref:** AMO-003/010
- **Iraupena:** 0:03:12. **Hasi:** 00:16:41. **Bukatu:** 00:19:53
- **Multimedia:** bideoa online ikusgai

Gaia(k):

- Baserria » Baserriko lanak » Garia
- Politika » Gerraostea eta Francoren diktadura » Ekonomia gerraostean

Laburpena:

Errazionamenduan azukrea, arroza... jasotzen zuten. Auzokoak ei ziren txarrenak, sekula behar egin gabeko alferrak. Labakoa sua, ogia, astean behin egiten zuten. Errazionamenduko ogia ezin zen jan.

6. Errotara gauez, ostenduta

- **Erref:** AMO-003/011
- **Iraupena:** 0:03:14. **Hasi:** 00:19:53. **Bukatu:** 00:23:07
- **Multimedia:** bideoa online ikusgai

Gaia(k):

- Politika » Gerraostea eta Francoren diktadura » Ekonomia gerraostean
- Baserria » Baserriko lanak » Errota

Laburpena:

Ogia egiteko, irina behar zuten. Garia edo artoa ehotzea galarazita zegoenez, gauez joan behar izaten zuten errotara, ostenduta. Zeanuriraino joaten ziren. Boroan ez zegoen errotarik, Larrean eta San Pedron, ostera, bai.

7. Odolostak eta txerri-hiltzea

- **Erref:** AMO-003/015
- **Iraupena:** 0:02:19. **Hasi:** 00:27:17. **Bukatu:** 00:29:36
- **Multimedia:** bideoa online ikusgai

Gaia(k):

- Baserria » Baserriko lanak
- Baserria » Baserriko lanak » Abere-hiltzea

Laburpena:

Txerria etxerako hazten zuten urtero. Odolostak lehen eta orain berdin egiten zirela dio. Hala ere, etxerik etxe desberdina da prozesua. Auzoen artean beti izan dute trukatzeko ohitura, eta askoren ezin izaten du jan. Beraiek odolarekin batera kipula eta porrua bakarrik sartzen zizkieten. Txerria gabon ostean eta gabon aurrean hiltzen zuten, betiere ilbeheran. Txerriaren atal guztiak aprobe txagarriak dira.

8. Danetariko lanak behiak erastea baino

- **Erref:** AMO-003/016
- **Iraupena:** 0:02:38. **Hasi:** 00:29:36. **Bukatu:** 00:32:14
- **Multimedia:** bideoa online ikusgai

Gaia(k):

- Baserria » Baserriko lanak

Laburpena:

Behiak lehen eskuz eransten zituzten. Juanak sekula ez ditu behiak eratsi, gainerako lanak bai, baina hori ez. Etxean errentan bizi ziren eta basoak ere sartzen ziren hor. San Roman basora joaten ziren ira bila.

9. Arropak garbitzeko bide luzea

- **Erref:** AMO-003/018
- **Iraupena:** 0:01:40. **Hasi:** 00:32:23. **Bukatu:** 00:34:03
- **Multimedia:** bideoa online ikusgai

Gaia(k):

- Herria, azpiegitura » Berrikuntzak » Argindarra eta ura
- Ohiturak eta bizimodua » Jantzi eta orraztu » Arropa garbitzea

Laburpena:

Bere etxe ingurua nahiko sikua zen. Errekan izaten zuten ura, baina udan ia agortu egiten zen. Sasoi batean urrunera arte joaten ziren arropak garbitzera, Izarreraino. Arropa buru gainean eramaten zuten.

10. Xaboia etxean egiten zuten

- **Erref:** AMO-003/019
- **Iraupena:** 0:01:23. **Hasi:** 00:34:03. **Bukatu:** 00:35:26
- **Multimedia:** bideoa online ikusgai

Gaia(k):

- Ohiturak eta bizimodua » Jantzi eta orraztu » Arropa garbitzea

Laburpena:

Bere amak etxean egiten zuen xaboia seboarekin. Zelan egiten zuten azaltzen du. Gerora "bolas maravillosas" izenekoak etorri ziren.

11. Koltxoiak garbitzen

- **Erref:** AMO-003/020
- **Iraupena:** 0:01:01. **Hasi:** 00:35:26. **Bukatu:** 00:36:27
- **Multimedia:** bideoa online ikusgai

Gaia(k):

- Ohiturak eta bizimodua » Jantzi eta orraztu » Arropa garbitzea

Laburpena:

Koltxoia garbitzeko barruko artilea soltatu egin behar izaten zen eta astindu, jo eta jo; ostean, berriro josi behar izaten zen. Artilea tina handi batean beratzen jarrita garbitzen zuten, lan asko izaten zuten.

12. Lutozko arropak tindatu behar

- **Erref:** AMO-003/021
- **Iraupena:** 0:01:13. **Hasi:** 00:36:27. **Bukatu:** 00:37:40
- **Multimedia:** bideoa online ikusgai

Gaia(k):

- Ohiturak eta bizimodua » Jantzi eta orraztu » Arropa eta oinetakoak
- Ohiturak eta bizimodua » Erlijioa » Hiletak

Laburpena:

Arropak astean behin garbitzen zituzten, nahikoa zen hori. Lutozko arropak

tindatu egiten zituzten sarritan, baina askotan arin gorritzen ziren. Tindategira eramaten zituzten tindatzera. Zornotzan tindategia non zegoen azaltzen du.

13. Etxeko eta kortako garbiketak

- **Erref:** AMO-003/022
- **Iraupena:** 0:01:26. **Hasi:** 00:37:40. **Bukatu:** 00:39:06
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Etxeko zereginak

Laburpena:

Etxea belauniko garbitzen zuten. Ereinotza usain ona emateko erabiltzen zuten. Zuritzeko karea erabiltzen zuten, baita kortan ere. Korta garbitzea ez omen zen hain gaitza.

14. Gaztetako arropa eta oinetako motak

- **Erref:** AMO-003/023
- **Iraupena:** 0:03:00. **Hasi:** 00:39:06. **Bukatu:** 00:42:06
- **Multimedia:** bideoa online ikusgai

Gaia(k):

- Ohiturak eta bizimodua » Jantzi eta orraztu » Arropa eta oinetakoak
- Ohiturak eta bizimodua » Erlijioa » Hiletak

Laburpena:

Gaztaro gehiena lutoz pasatu zuten: lehenengo aita hil zitzaielako eta gero amama. Oihala erosi ostean jostunak josten zizkieten, ez zuten erosten. Prakarik ez zituen nagusia izan arte jantzi; jantzitako lehenak txandalarenak izan ziren. Denetariko oinetakoak ibiltzen zituzten: abarkak, abarketak, zapatak... Erromerietarako abarketak janzten zituzten, koloretako zintekin.

15. Permanentea eta makillajea

- **Erref:** AMO-003/024
- **Iraupena:** 0:02:39. **Hasi:** 00:42:06. **Bukatu:** 00:44:45
- **Multimedia:** bideoa online ikusgai

Gaia(k):

- Ohiturak eta bizimodua » Jantzi eta orraztu » Apaintzea
- Ohiturak eta bizimodua » Jantzi eta orraztu » Orrazkerak

Laburpena:

Permanentea egiten zuten gaztetan. Elenaren ile-apaindegira joaten zen, Larrabidera. Lagunek elkarri makillatzen ziren, begiak eta ezpainak baino ez, baina amak ikusi orduko kendu behar izaten zuten. Gonak janzten zituztenez, galtzak beti erabiltzen zituzten; hori dela-eta, ez ziren depilatzen. Bitxiak ez zituzten erabiltzen, belarritakoak baino ez.

16. Domeketako erromeria

- **Erref:** AMO-003/025
- **Iraupena:** 0:04:03. **Hasi:** 00:44:45. **Bukatu:** 00:48:48

- **Multimedia:** bideoa online ikusgai

Gaia(k):

- Aisia » Jai-giroa » Erromeriak

Laburpena:

Bizkargi egunean, bertako erromeria amaitu ostean, Zornotzako erromeriara bajatzen ziren. Domeketako erromeria Zornotzan izaten zuten, Boroan ez. Martzelino aritzen zen soinua jotzen, oso estimatua zuten. Gaiztoak ei ziren, zaplazteko batzuk ere amandakoak. Baltseoan zein soltean aritzen ziren dantzan. Mutilek eurak atera beharrean, eurek ateratzen zituzten mutilak. Kalbarioko komentuko presoak ere joaten ziren erromeriara.

17. Lehengo hiletak

- **Erref:** AMO-003/029
- **Iraupena:** 0:02:11. **Hasi:** 00:53:15. **Bukatu:** 00:55:26
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Hiletak
- Ohiturak eta bizimodua » Erlijioa » Elizaren jarrera

Laburpena:

<p>Hiletak beti goizez izaten ziren. Elizkizunaren ostean tabernara joateko ohitura zegoen. Hurrengo domekan, olata-meza ospatzen zenean, bazkaria egiten zen. Hiletak oso garestiak izaten ziren. Gaubeila egiten zen. Hiletak gaztelaniaz eta latinez izaten ziren, euskaraz hasi zirela ez dira urte asko.</p>

18. Konfesatu beharra

- **Erref:** AMO-003/030
- **Iraupena:** 0:01:29. **Hasi:** 00:55:26. **Bukatu:** 00:56:55
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Elizaren indarra

Laburpena:

Konfesatzea nahitaezko kontua zen. Bere lagun bati behin abadeak konfesategitik bota zutela kontatzen du. Penitentziak. Errezatu ere gaztelaniaz egiten zuten. Abade asko ezagutu ditu Zornotzan Juanak.

19. Abadeari, medikuari eta alkateari errespetua

- **Erref:** AMO-003/031
- **Iraupena:** 0:02:00. **Hasi:** 00:56:55. **Bukatu:** 00:58:55
- **Multimedia:** bideoa online ikusgai

Gaia(k):

- Euskara » Tratamenduak
- Euskara » Tratamenduak » Berorika

Laburpena:

Abadeari eta fraideari errespetua zor zitzaionez, "don" jartzen zuten bere

izenaren aurrean eta berari "Jauna" esan. Berorikan hitz egin behar izaten zitzaien. Alkateari eta medikuari ere tratu bera ematen zitzairen. Kapatxu medikua izan zuten eurek, zaldiz ibiltzen zen. Medikua etxerik etxe joaten zen.

20. Dentistara Durangoraino eta oinez

- **Erref:** AMO-003/033
- **Iraupena:** 0:00:50. **Hasi:** 01:00:21. **Bukatu:** 01:01:11
- **Multimedia:** bideoa online ikusgai

Gaia(k):

- Ohiturak eta bizimodua » Osasuna » Medikuek eta sasimedikuek
- Lantegiak » Ekonomia eta industria » Bizkaiko lantegiak » Bilbo Handiko lantegiak

Laburpena:

Gerraostean Durangoko dentista batengana joan zen, oinez, ez baitzegoen tranbiarik.

21. Tranbia; lemoarrekin lehia

- **Erref:** AMO-003/034
- **Iraupena:** 0:03:08. **Hasi:** 01:01:11. **Bukatu:** 01:04:19
- **Multimedia:** bideoa online ikusgai

Gaia(k):

- Familia eta harremanak » Herriko giroa » Inguruko herriak eta auzoak
- Herria, azpiegitura » Garraioak » Autobusak

Laburpena:

<p>Tranbia Zornotza erdialdetik joaten zen, Kaitanatik gora. Lemoarrak eta zornotzarrak aurkari gogorak zirela dio eta behin lemoar batzuek tranbiara igo aurretik jo egin zituzten, baina beraiek ere bueltatu ziren. Geldialdi desberdinak egiten zituen tranbiak herrian zehar. Bilbora joateko batez ere tranbia erabiltzen zuten, trena baino gehiago.</p>

Transkripzioa

- Eta esan dozu tranbidxe hondiño ez euela.
- Ez. Zornotzan hondiño ez zan egon.
- Eta ze akordu dekozu zuk Tranbidxena?
- Zerena?
- Tranbidxe nundik nora joaten zan Zornotzan?
- Tranbidxe? Erdi-edi-erdi-erdittetik, ze Kaittanatik gorantz.
- Kaittanatik gora!
- Bai Kaittanatik gora.
- Arratidxeko tranbidxe famosue!
- Ai famosue izen zan ha. Harexeaz be herejidxek eitten geñuzen guk, ene! Lemoakoak etorten zienien futbolien olgetan Zornotzara, Lemoa eta Zornotza izen zien kontraridxoak, enei! Eta baten jo ein oskun trenera, tranbire idxon orduko: "pla-pla-pla!" [...]. Eta "Bai? ikusiko dozue". Idxoten dogu tranbire eta jo-jo-jo ein eta gero han zerien, Jesus, han Lemoa han zera dau ha trenbidia Gerrikatxuna, hantxe bajatu, hantxe aldatza-edo dau, apurtxu bet ostondute, tranbidxek zertzue ein, paradatxue. Gu joan giñen itzitte, tranbidxe ene! Gu txarrak izen gintzezan, baia harek be izen onak izen.

- Eta nun geratuten zan tranbidxe Zornotzan?
 - Zornotzan, [...] bakizu? Tabernea ba hamendiko aldien.
 - Han Bakarrik?
 - Parkien ondo-ondoan, parkien kasi.
 - Han bakarrik geratzen zan. Gero Kaittana partien-eta ez zan geratzen?
 - Gero ya joaten zan bai. Paradak eukitten zittuzen, baia paradak bai eukittten zittuzen.
 - Eta pageu ein biher izeten zan, ezta?
 - A klaro, ez! Pageu.
 - Eta danak pagetan biher izeten bien, umiek eta jente neusidxe?
 - Bai, baia, umie holan txikitxue badan altzoan badaroazu ez, baia ostien zerien bai. Ostien asientuen badoan bai.
 - Tranbidxe asko ibiltzen zenduen?
 - Bai, bai, besterik ez zan egon- ta!. Bueno trena, baia trena bakizu urrintxu eitten da Zornotzatik eta nik tranbidxe gehidxau. Ta honek bendejerak eta honek ademas, asko-asko.
 - Bilbora joateko-eta.
 - Bai.
 - Bilbora zetan joaten ziñien ba han sasoi en?
 - Gu? Ni juten nitzen sarri aiztea kridxeda egon zan lekuen arrutzek eroaten. Etxekoak gure, baia. Arrutzek eroaten. Gero konprak eitten joaten gintzezan edo zapatak edo erropia edo jersia eta gero ya bai, gero ya zertu zen.

22. San Pedroak Karmenak baino gustukoagoak

- **Erref:** AMO-003/035
- **Iraupena:** 0:02:21. **Hasi:** 01:04:19. **Bukatu:** 01:06:40
- **Multimedia:** bideoa online ikusgai

Gaia(k):

- Aisia » Jai-giroa » Herriko ospakizunak

Laburpena:

Bere gaztaroko Karmen jaiak gaur egungoak baino politagoak izaten ziren. Hala ere, beraiek gogokoago zituzten San Pedro jaiak. Denetarik egoten zen: erromeria, probak, asto-karrerak... Karmenetan karroza politak egiten ziren.

23. Tabaka, taietan, pilotan...

- **Erref:** AMO-003/038
- **Iraupena:** 0:01:49. **Hasi:** 01:09:35. **Bukatu:** 01:11:24
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Jolasak

Laburpena:

Umetako jolasak: tabaka, taietan, pilotan... Automobilik ere ez zenez pasatzen, errepidean bertan jolasten zuten. Tabaka neskak bakarrik aritzen ziren; jokoa azaltzen du. Pilotak gomazkoa izaten ziren. Bere ahizpek bazituzten trapuzkoa panpinak, baina berak ez, ez zen panpina zalea.

24. Bizikleten alkilerra

- **Erref:** AMO-003/039
- **Iraupena:** 0:02:33. **Hasi:** 01:11:24. **Bukatu:** 01:13:57
- **Multimedia:** bideoa online ikusgai

Gaia(k):

- Herria, azpiegitura » Garraioak » Bizikletak eta motorrak

Laburpena:

Behin beraien etxe ondoan zeuden mutil batzuei bizikleta hartu zienekoa kontatzen du. Bizikleten alkilerra "Mokopalu"k zuen.

25. "La dinamita"ko lana

- **Erref:** AMO-003/042
- **Iraupena:** 0:02:30. **Hasi:** 01:16:03. **Bukatu:** 01:18:33
- **Multimedia:** bideoa online ikusgai

Gaia(k):

- Ekonomia eta industria » Lan-baldintzak
- Lantegiak » Ekonomia eta industria » Bizkaiko lantegiak » Bilbo Handiko lantegiak

Laburpena:

15 urterekin Galdakaoko "La dinamitan" hasi zen lanean obusak egiten, 17 urte zituela esanda. Zazpi hilabete baino ez zituen aguantatu, oso lan gogorra zen, osasunerako kaltegarria. Juana belarrietatik odoletan hasi zen. Zein lan egiten zuen azaltzen du.

26. Soldata ona, baina arriskutsua

- **Erref:** AMO-003/044
- **Iraupena:** 0:01:57. **Hasi:** 01:19:13. **Bukatu:** 01:21:10
- **Multimedia:** bideoa online ikusgai

Gaia(k):

- Ekonomia eta industria » Lan-baldintzak
- Lantegiak » Ekonomia eta industria » Bizkaiko lantegiak » Bilbo Handiko lantegiak

Laburpena:

Ez du gogoan zenbat kobratzen zen, baina "La dinamita"n ondo kobratzen zuten. Egunero-egunero egoten zen langileren bat txarto, anbulantzia egunero joaten zen.

27. San Juanetako abestia

- **Erref:** AMO-003/046
- **Iraupena:** 0:01:12. **Hasi:** 01:23:11. **Bukatu:** 01:24:23
- **Multimedia:** bideoa online ikusgai

Gaia(k):

- Aisia » Jai-giroa » San Juan

Laburpena:

<p>San Juanetako kanta abesten du. Galtzu-eskutarekin egiten zuten argia. San Juanetako sua kamino hegalean egiten zuten.</p>

Transkripzioa

- Umetan iñoz entzun zendun han zuen parajien sorginkeri konturik edo holako ipuiñik-edo?
- San Juanak eitten joaten gintzenien zera sorgiñek badauzen erre, kantie bai, baia ostien sorgiñek...
- Eta zelan zan kantiori?
- "San Juan, San Juan bidxamonez gure soloan lapurrik ez, sorgiñik bez, eta badau bere erre beitez"
- Hoidxe kantetan giñun galtzu-ezkutiaz, bakizu galtzu ezkutie. Bueltie emon, ta bota ire apurtxu bet, gero ur bedeinketue bertara eta "ya está".
- Eta San Juanetan zer eitten zenduen, sue eta zer gehidxau eitten zenduen?
- Sue San Juanetan bai, kamiño hegalién ademas ein be eitten giñun. Kontuek atara! Geur eizu! Bai, hantxe kamiño hegalién. Eroaten genduzen sasidxe eta nahi dogune.
- Eta jantzan gero.
- Orduko bizimodue oin baiño alegriaue izen zan, zatizaz, ni neuretzat e!

28. Lehengo ilusioa galbidean; Gabonak

- **Erref:** AMO-003/049
- **Iraupena:** 0:01:23. **Hasi:** 01:25:33. **Bukatu:** 01:26:56
- **Multimedia:** bideoa online ikusgai

Gaia(k):

- Erljioa » Ohiturak eta bizimodua » Eliza giroko ospakizunak » Gabonak
- Iritziak » Antzinako bizimoduari buruzkoak

Laburpena:

Lehengo bizimodua alaiagoa zen, gaur egun ez dago ilusiorik. Gabonetan aza, bakailaoa eta turroia jaten zuten.

29. Ogi koskorra txakur amorratuarentzat

- **Erref:** AMO-003/050
- **Iraupena:** 0:00:44. **Hasi:** 01:26:56. **Bukatu:** 01:27:40
- **Multimedia:** bideoa online ikusgai

Gaia(k):

- Ohiturak eta bizimodua » Erljioa » Ohiturak eta sinesmenak
- Erljioa » Ohiturak eta bizimodua » Eliza giroko ospakizunak » Gabonak

Laburpena:

<p>Gabonetan ogiaren koskor bat ebaki eta hurrengo Gabonak arte gordetzeko ohitura zegoen. Hurrengo urtean ogi hori txakurrari-edo ematen zitzaion amorra ez zedin.</p>

Transkripzioa

- Eta lehen ze ohitura eitten zan ogidxegaz Gabonetan? Ogi-koskorragaz-edo ze eitten zan lehen Gabonetan? Ez zenduen eitten punta bat ebai eta gorde?
- Bai. Hori eitten zan Gabonetan.
- Zelan izeten zan hori esplieko dozu, mesedez?
- Ez daitz zer euki zeuen, [...] jakon zera, ardau apur bet botaten jakon eta hurrungo urtera arte gorde.
- Zetako?
- Nik ez daitz ze objetugaittik hori ein zen.
- Gero noreri emoten jakon hori ogidxe?
- Ai bai, txakur amorrotuerie eta egixe, bai.

30. Hondartzari beldurra

- **Erref:** AMO-003/056
- **Iraupena:** 0:03:25. **Hasi:** 01:33:05. **Bukatu:** 01:36:30
- **Multimedia:** bideoa online ikusgai

Gaia(k):

- Aisia » Mendia eta hondartza » Hondartza
- Ohiturak eta bizimodua » Kontakizunak eta sinesmenak » Anekdotak, kontakizunak

Laburpena:

Behin Sukarrietako hondartzan susto itzela izan zuten eta ordudanik beldurra ematen dio itsasoak. Kanala aldera sartu ziren eta korronteak eraman zituen Juana eta beste lagun bat. Bainujantziak goitik hasita izterretarainokoak izaten ziren.

Ahotsak.eus-eko edukiarekin sortutako dokumentu automatikoa.
2025-11-27

CC-by-sa | Ahotsak.eus
Badihardugu Euskara Elkarte
Markeskua Jauregia, 20600 Eibar
943121775 - ahotsak@ahotsak.com